

秋澗先生大全文集

一九



秋澗先生大全文集卷七十五

樂府

木蘭花慢

憲陵臺畔客笑幾度送人行對一道青山兩行宮柳
去住人情蒼生望初不繫問此身何用緜虛名官味
真成盡餅隱居却伴侯鯖十年慚愧草堂靈自分
苦飄零甚一片閑雲幾迴歸夢野釣林耕浮沉待從
里社覺儻來軒冕總堪驚寄謝竹林舊友且休筆削
寒盟

二

送史誠明總管還洛陽春日飲餞任氏
園亭時紅梅爛開

愛春光淡沱歌吹暖竹西亭正花簇金鞍香雪樹
碧酒同傾誰將翠帷双捲擁紅粧臨水照娉婷縹緲
凌波仙子依倚羅襪塵生使君高興動青冥心事
怯流鶯對如畫江山一時豪傑湖海交情自憐人華
如此且相逢一笑惜飄零明日河陽客舍春風柳色
青青

三

嘆西山歸客又愁重過清明記暮燕巢傾朝堂人去
往事堪驚行藏固非人力頌塵纓終愧草堂靈潘岳
無閑可賦淵明何地堪耕漢家一論到書生六合
望澄清甚樓上元龍山中宰相何止虛名當年卧龍
心事儘羽毛千古見青冥憔悴中堂故吏醉來老淚

縱橫

四

河內人焦其氏者作樂器僅客一握張
以二絃隱彈袖間因雙鳴起舞周旋跼
躡曲盡音節昔人未之見也座間承待
制翰學命不肖以樂府木蘭花慢歌之
因狀其名曰鳴鳳雙棲曲

愛雙鳴棲鳳起舞袖共婆婆恨疊鼓凝笳繁絃急管
悲壯何多金泥小檀花面儘婁清翻盡雪兒歌幄殿
悄聞私語銅龍冷簌秋波 明粧高燭洗金荷心賞
重經過聽一曲留連珠簾書棟幾度斜河紅雲島仙
音部說新聲得意掩雲和看取長安日近春風搖蕩

鳴珂

至元七年京師除夜燈下與兒子鶚讀
文正范公行已且憶馬賓王來事可為
之語因感而賦此以見其志云

淡中庭暝色初遺奠夜寒淒對草草杯盤昏昏燈火
客裏京師比量舊年心事笑蹉跎書劒向來非誰著
朱衣白簡春風三拜龍墀山妻稚子竟何爲溫飽
汝嘻嘻悵故國丘山蒼煙喬木鄉月空輝葵心要須
傾日道等閑休遣鏡鵲知自信蒼顏如鐵不堪雙鬢
如絲

奉送節使賢侯分帥譙軍兼簡仲李諸
卿爲一喙也且寄聲子初知府

壯東南一柱分閫寄事非輕見雨露恩綸河山帶礪
勲府元盟依依汴堤楊柳甚一朝光彩動旗旌曉日
千梁浮竦春風百雉嚴城臨軒輦鼓正凝情忠孝
舊家聲看奕世功名麒麟高閣宛轉丹青綠波比潭
花影又一年春好是清明彩袖一杯壽了望中三楚
雲平

七

十三年平陽秋
蒲清明日賦

老西山倦客喜今歲是歸年笑鏡裏衰容吟邊華髮
薄宦留連功名事元有分且著鞭休羨祖生先望重
芙蓉大府夢餘禪榻茶煙恨無明略卧林泉平子

太拘牽儘俛首轅駒寸心能了猶勝歸田前途事如
抹漆又向誰重理伯牙絃自是一生心苦非關六印
腰懸

八望柳奉

洒西風老淚又馬上望郎山對紅露秋香芙蓉城闕
依舊雄藩碧雲故人何在憶扶搖九萬看鵬搏賦就
鳳凰樓晚星沉鸚鵡洲寒一丘宿草鎖蒼煙零落
復何言似燕許才名風雲際會自古天慳皇皇使華
南下愛丹衷擬締兩朝歡恨殺奸回秋壑月明愁滿
江干

九

憲臺諸公九日登高

遠風臺

首唱樂府諸公賡和以紀雅集之
盛余時移病在告既而君美御史以嚴
韻見徵勉爲續貂云

遠風臺上客說雅集玉生光縱樽俎無情登臨佳節
此興能忘龍山會君莫羨愛綠蘿影裏到山莊驄馬
長安清貴留連春草池塘淵明翫醵倚門傍多病
對秋香悵歲晚田荒幾多稂莠蕤蕤登場人間事如
意少且同來一笑共匡牀寄謝牛山公子何須揮涕
殘陽

十壽史
中丞

相門佳公子都忘却貴人驕有萬石忠勤伯魚詩禮
才氣飄飄風流謝家玉樹說妙齡英譽冠

東朝桂殿親承弓研豸冠高映金貂
兩臺清議聳風標
睿眷見恩饒要寶瑟朱絃美梅伊鼎試手更調
鳳凰池還浴鳳看羽毛奕世動雲霄鄭重歲寒貞節
青松千尺難凋

十一

再和何侍御前府韻前章所謂變風終
章止乎禮義而已

六合一家統依日月到重光
道太岱封書雲龍接踵
此意難忘西園萬花綉錯好枕中蝶化似蒙莊歛翅
深棲金粉貪芳更度銀塘
一生白眼貴人傍贏得
姓名香幾戲影棚邊隨人鼓笛賀老當場雖可笑猶
有用似也勝陳許怒爭牀靜想行藏有命且休眼熱

王陽

十二為史總帥

靄長筵拜慶似眉壽幾人同更綠髮垂肩方瞳炯漆
五福尊崇風流大家儀範甚能移子孝作臣忠獵
征東漢旆堂々南下殊功一江春浪醉醒中都捲
入歌鐘看和氣怡聲承顏起舞袖錦翻紅雲間發光
分彩儘瀟然林下謝家風笑擁滿庭蘭玉年年樂事
無窮

十三銀花

蓉

聽夜來微雨甚一霎過東牆愛活色生香芙蓉標格
暖貯春光瓏鬆寶團瓊綴笑海棠能睡更無香爛熳
宋郎心眼風流時世新粧少年走馬杏花崗勾惹

興偏長記誇酒青旗樹頭招颺喚客初嘗別來吳姬
粉面比舊年風韻轉芬芳似覺生紅開意未容說與
東皇

十四

至元十七年上巳日同西溪公飲鎮陽
城南高氏勝遊園歸賦此詞

問城南花柳最好處勝遊鄉對湖水微茫瑤翻碧欲
修模浮觴比量今春樂事憶去年書劍共遊梁曉日
繁臺古寺春風碧草宮墻人生離別是尋常兩歲
喜徜徉更金縷新聲佳人錦瑟踏遍春陽多君歲寒
心在似西溪松柏鬱蒼々記得醉時笑語夢回枕上
猶香

十五

愛一枝香雪幾暮雨洗粧殘儘空谷幽居佳人寂寞
淚粉闌干芳姿似嫌雅淡問誰將大藥駐朱顏塞上
燕支夜紫雪邊胡蝶朝寒風流韻遠更清閑醉眼
入驚看甚底事坡仙被花熱惱惆悵東闌細傾玉瓶
春酒待月中橫留倩雲鬢吹散碧桃千樹盡隨流水
人間

十六

穀雨日王君德昂約牡丹之會某以事
奪北來祁陽道中偶得此詞以寄

問東城春色正穀雨牡丹期想前日芳苞近來絳艷
紅爛燈枝劉郎爲花情重約柳邊娃館醉吳姬羅襪

凌波微步玉盤承露低垂
春風百匝繡羅圍看
絲雲飛甚著意追歡留連光景回首差池半春
長
亭畔湧一杯藉草對斜暉歸縱荼蘼雪在不堪姚魏
離披

十七

和國範郎中見贈嚴韻

卧孤松雲壑愛青貫四時心自絕澗幽蟠蒼煙高擁
氣壓千林冰霜幾年凌傲甚九天一日露恩深白壁
無雙國士朱絃三嘆遺音
春風草木變蕭森又復
見雄襟想直犯龍顏片言曾霽萬里重陰相逢莫驚
白首更明時幾世似于今只恐南陽壠底空懷梁甫
長吟

十八

賦白蓮和
王西溪

愛玉華仙供偶移影下瑤池
悵野渚蒼煙結根非所
繁艷爭欺風清月寒半墜
道無情有恨欲誰知
羅襖
凌波微步淡香高韻幽姿
風煙回首夢共溪采采
盡飛歸趁粉露和香秋光
細釀瓊液淋漓招呼謫仙
共飲記兩舷腳踏醉吳姬
一曲清吟未了翠盤狼藉
珠璣

十九

武邑縣王楫善居室母姐氏出隆平富
家今年八十有九慈祥康健精彩如五
六十人教授馬君向余說如此因紹介
拜求余文將爲母氏百世之光予方以

善俗任責楫之孝養致樂實有關於風
化者故你是辭以付俾來者庶有所勸
焉

爛雲衢彩發和曉月滿庭闈正梅粉香飄林梢紫動
淑景初逢觀津盛傳王氏道孝心重見老萊衣和氣
一家瑞靄慈顏九十柔儀香燒靜院赴朝暉未省
杖扶持縱德厚流長遐齡能健此事應稀婆娑綠萱
堂背愛一竿蒼竹六孫枝照映西山秀色年年翠點
修眉

二十

賦餘

變雪團嬌小開較晚儘春融似麝染沉香檀輕粉薄
費盡春工綠陰小庭晴盡放綉簾輕度竹梢風待着

一天香韻醉吟留伴詩翁
洗粧不用露華濃玉樹
濕青蔥欲細挽柔條重圍錦幄不放春空春殘未應
多恨道典刑猶在酒杯中何似留芳翠枕夜深歸夢
瑤宮

廿一壽崔

子交

際河山兩界道此地正交衝繞北渚離筵南亭奔迸
終歲倥偬風流故家從事暫淹留蓮幕簿書叢更辦
錦箋詩句筆端暈碧裁紅
今朝壽席且從容賓客
喜相同就雪蟻浮香眉毫舒彩莫放杯空人生正須
適意儘冰稍蠟帶未冲融海曲尚存遺愛稼齋自有
春風

廿二壽王宣

立夫

浩魚龍樂海曾同醉鳳凰樓記獵較河南並持英蕩
千里長遊風流故家人物愛賦詩鞍馬氣橫秋落日
隆中懷古薰風洛水浮舟重逢春色入東州小試
統清流看坐嘯江淮風連臺閣各動金甌經綸半生
心事細推量合在百花頭此日清香盡戟不應談笑
封侯

廿三事為張魯

愛承

明

更雄襟甚瀟灑清吟半生夢寐

銅輦秋為

論量歸計早恐未容亭扁遂初心共道

東山絲

雲兩

商霖

春坊桃李滿清陰氣幹

鬱千尋看

日明堂圓杈偃植棟宇雄沉家近上林

春早覺

浮酒動華筍滿酌一杯為壽魯連不用